

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-6744/20
Sarajevo, 05.6.2020. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu – Izvođenje radova vanjskog uređenja kod O.Š. “Umihana Čuvidina”

I

Prihvata se preporuka Komisije za javnu nabavku radova i okvirni sporazum za javnu nabavku u predmetu – Izvođenje radova vanjskog uređenja kod O.Š. “Umihana Čuvidina”, broj obavještenja 422-1-3-74-3-56/20, objavljeno na Portalu javnih nabavki dana 10.4.2020. godine i “Službenom glasniku BiH- Oglasnik javne nabavke”, br. 22/20, dodjeljuje se ponuđaču „Eko Teh“ d.o.o. Sarajevo, sa ponuđenom cijenom za ugovor u iznosu od 382.000,00 KM bez PDV-a, odnosno 446.940,00 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumente tražene u tački 3.1.3. tenderske dokumentacije koji se odnose na član 45. stav 2 tačka od a) do d) Zakona i dokumente tražene u tački 3.3.2 tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti original ili ovjerene kopije i ne mogu biti stariji od 3 mjeseca, računajući od dana utvrđenog kao krajnji rok za predaju ponuda.

Obrazloženje

Odlukom broj 02/12-19-6744/20 od 08.4.2020. godine Općina Novi Grad Sarajevo pokrenula je otvoreni postupak javne nabavke - Izvođenje radova vanjskog uređenja kod O.Š. “Umihana Čuvidina”, broj obavještenja 422-1-3-74-3-56/20, objavljeno na Portalu javnih nabavki dana 10.4.2020. godine i “Službenom glasniku BiH- Oglasnik javne nabavke”, br. 22/20.

Zapisnikom o otvaranju ponuda od 06.5.2020. godine Komisija je konstatovala da je u predviđenom roku, u propisno upakovanim kovertama, pristiglo šest (6) ponuda ponuđača:

1. „GD Konstrukcije“ d.o.o. Mostar sa ponuđenom cijenom za okvirni sporazum u iznosu od 498.934,14 KM sa PDV-om,
2. „Dinalsa“ d.o.o. Sarajevo sa ponuđenom cijenom za okvirni sporazum u iznosu od 499.956,44 KM sa PDV-om,
3. „Sela“ d.o.o. Sarajevo sa ponuđenom cijenom za okvirni sporazum u iznosu od 498.465,79 KM sa PDV-om,
4. „Eko Teh“ d.o.o. Sarajevo sa ponuđenom cijenom za okvirni sporazum u iznosu od 500.858,91 KM sa PDV-om,

5. „Džekos“ d.o.o. Sarajevo sa ponuđenom cijenom za okvirni sporazum u iznosu od 504.994,64 KM sa PDV-om,
6. „Mibral“ d.o.o. Sarajevo sa ponuđenom cijenom za okvirni sporazum u iznosu od 590.571,59 KM sa PDV-om.
- Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da je pristiglo pet ponuda, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Dinalsa“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 4.7.2. - garancija za ozbiljnost ponude. Garancija se dostavlja na način da se originalna bankovna garancija pakuje u zatvorenu plastičnu foliju koja se na vrhu zatvori naljepnicom na koju se stavlja pečat ponuditelja ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuditelja. Plastična folija u kojoj je originalna bankovna garancija mora biti označena rednim brojem stranice ili lista, kao i ostale stranice ili listovi ponude i kao takva čini sastavni dio ponude. Ponuđač „Dinalsa“ d.o.o. Sarajevo je dostavio garanciju za ozbiljnost ponude koja nije zatvorena naljepnicom sa pečatom ponuđača, niti je označena rednim brojem stranice kako je to traženo tenderskom dokumentacijom.

Iz naprijed navedenog razloga utvrđeno je da ponuđač „Dinalsa“ d.o.o. Sarajevo ne ispunjava uslove tražene u tenderskoj dokumentaciji iz tačke 4.7.2 – garancija za ozbiljnost ponude, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da ponuđač „Džekos“ d.o.o. Sarajevo ne ispunjava kvalifikacione uslove tražene u tenderskoj dokumentaciji iz tačke 3.4.1. (4) tehnička i profesionalna sposobnost, odnosno ponuđač je dužan da obezbijedi opremu neophodnu za obavljanje predmetnih radova: kamion-min 2 kom, mašina za iskope i utovar – min 1 kom, kao dokaz dostavlja se izvod iz knjige osnovnih sredstava ili ugovor o iznajmljivanju opreme, za kamion se dostavlja saobraćajna dozvola, a za radne mašine saobraćajna ili upotrebna dozvola sa zapisnikom koji dokazuje tražene karakteristike; (original ili ovjerena kopija). Ponuđač „Džekos“ d.o.o. Sarajevo je dostavio upotrebnu dozvolu broj 016-SR-2/18 od 26.8.2018. godine sa zapisnikom za radnu mašinu utovarač, a ne za kombinovanu radnu mašinu za iskope i utovar kako je traženo tenderskom dokumentacijom.

Iz naprijed navedenog razloga utvrđeno je da ponuđač „Džekos“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. (4) tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da preostale četiri dostavljene ponude ispunjavaju formalno-pravne i kvalifikacione uslove tražene u tenderskoj dokumentaciji i to ponude: „GD Konstrukcije“ d.o.o. Mostar, „Sela“ d.o.o. Sarajevo, „Eko Teh“ d.o.o. Sarajevo i „Mibral“ d.o.o. Sarajevo. Komisija je izvršila i računsku kontrolu ponuda te utvrdila da ponuđač „Sela“ d.o.o. Sarajevo ima računsku grešku, a navedene greške su se odrazile na to da ukupno ponuđena cijena za ugovor u Aneksu 2 i Aneksu 3 ponude treba da iznosi: 426.148,29 KM bez PDV-a, odnosno 498.593,49 KM sa PDV-om. Ponuđač „Sela“ d.o.o. Sarajevo je dana 21.5.2020. godine dostavio saglasnost na ispravku računске greške.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. „Sela“ d.o.o. Sarajevo sa ponuđenom cijenom za okvirni sporazum u iznosu od 426.148,29 KM bez PDV-a; 2. GD „Konstrukcije“ d.o.o. Mostar sa ponuđenom cijenom za okvirni sporazum u iznosu od 426.439,44 KM bez PDV-a, 3. „Eko Teh“ d.o.o. Sarajevo sa ponuđenom cijenom za okvirni sporazum u iznosu od 427.229,84 KM bez PDV-a i 4. „Mibral“ d.o.o. Sarajevo sa ponuđenom cijenom za okvirni sporazumu iznosu od 504.762,04 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 29.5.2020. godine sa početkom u 10:00 sati. Nakon okončane e-aukcije za predmetnu nabavku, a na osnovu Izvještaja o toku i završetku

e-aukcije broj postupka 422-1-3-74/20 od 29.5.2020. godine, Komisija je utvrdila da konačna rang lista ponuđača koji su učestvovali na e-aukciji izgleda kako slijedi:

1. „Eko Teh“ d.o.o. Sarajevo sa ponuđenom cijenom za okvirni sporazum u iznosu od 382.000,00 KM bez PDV-a,
2. „GD Konstrukcije“ d.o.o. Mostar sa ponuđenom cijenom za okvirni sporazum u iznosu od 383.000,00 KM bez PDV-a;
3. „Sela“ d.o.o. Sarajevo sa ponuđenom cijenom za okvirni sporazumu iznosu od 426.148,29 KM bez PDV-a;
4. „Mibral“ d.o.o. Sarajevo sa ponuđenom cijenom za okvirni sporazumu iznosu od 504.762,04 KM bez PDV-a.

U skladu sa članom 8. stav (3) Pravilnika o uslovima i načinu korištenja e-aukcije izvršeno je umanjeње za svaku poziciju tehničke specifikacije za procenat koji iznosi konačno procentulno umanjeње cijene postignute nakon e-aukcije za prvorangiranu ponudu, tako da ponuđena cijena za ugovor ponuđača „Eko Teh“ d.o.o. Sarajevo iznosi 382.000,00 KM bez PDV-a, odnosno 446.940,00 KM sa PDV-om, o čemu je ponuđač dostavio saglasnost broj 72/ETP/20 od 02.6.2020. godine.

Imajući u vidu navedeno Komisija je dala preporuku za zaključenje ugovora sa prvorangiranim ponuđačem nakon provedene e-aukcije – „Eko Teh“ d.o.o. Sarajevo.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

